

SAKSPAPIR

Saksnr	Utval	Type	Dato
	Ungdomsråd	PS	
087/22	Formannskapet	PS	12.10.2022
092/22	Heradsstyret	PS	19.10.2022

Saksbehandlar	ArkivsakID
Linda Judith Svidal Nordås	22/2965

Retningslinjer for rangering av søknadar til tilskotsordninga "Tilskot til inkludering av barn og unge"

Vedlegg:

RETNINGSLINER SØKNAD BUFDIR

Rådmannen sitt framlegg til vedtak:

Retningslinjene vert vedteke slik dei ligg føre.

Formannskapet - 087/22

FS - behandling:

AVRØYSTING:

Samøystes vedteke

FS - vedtak:

Retningslinjene vert vedteke slik dei ligg føre.

Saksopplysningar:

Saksopplysningar:

Heradsstyret vedtok i desember 2021 å slutta seg til fritidserklæringa, som slår fast at både regjeringa, kommunane og frivilligheita skal arbeida for at alle barn, uavhengig av foreldra sin økonomiske situasjon, får moglegheit til å delta jamleg i minst ein fritidsaktivitet. Tilskotsordninga «Tilskot til inkludering av barn og unge» er eit verktøy som kan nyttast for å nå føremålet til Fritidserklæringa.

Tilskotsordninga har fleire deltilskot. I 2022 var disse deltilskota:

- Kultur-, fritids- og ferieaktivitet
- Jobbtilbod og rettleiing
- Utstyrssentral
- Lokal fritidskasse
- Kultur- og aktivitetskort
- Aktivitetsguide
- Los/ungdomslos
- Open møteplass

- Utprøving av arbeidsmodell
- Koordinering av lokalt arbeid for inkludering av målgruppa
- Anna lokal aktivitet
- Sentralledd i frivillige organisasjonar – aktivitet i minst fem kommunar

I 2022 vart det søkt om og tildelt følgjande deltilskot:

Deltilskot	Status
Kultur-, fritids og ferieaktivitet	Tre søkarar (eit AS, ei stifting og eit lag/organisasjon). To fekk tilskot. Ein gjennomførte.
Open møteplass	Osterøy kommune søkte og fekk tilskot. Det er ei utfordring å finne personell, men jobbar mot oppstart snarest.
Koordinering av lokalt arbeid for inkludering av målgruppa	Osterøy kommune søkte og fekk tilskot. Arbeidet er i startgropa.

I 2022 kom forskrift og rettleiar frå Bufdir så seint opp mot søknadsfrist at Osterøy kommune ikkje rakk å få prosesskontroll i forkant, men måtte løyse spørsmåla som kom opp etter kvart. Det er difor laga forslag til retningslinjer for tilskotet, då spesielt for deltilskotsordninga *Kultur-, fritids- og ferieaktivitet*. Det er behov for retningslinjer på alle deltilskot, men rådmannen ser for seg at ein må bygge disse ut etter kvart. Det bærande prinsippet er at Heradsstyret skal ta endeleg avgjersle om rangering av søkarar, etter at ungdomsrådet har fått dei til uttale, der administrasjonen ikkje har vedtekne lokale retningslinjer å rangere etter.

Bakgrunn

Målet med tilskotsordninga er å leggje til rette for at alle barn og unge skal oppleve meistring og samfunnsdeltaking. Målgruppa er barn og unge i alderen 0 -24 år som av ulike grunnar er i risiko for utanforskap. Tilboda kan rette seg mot barn og unge, eller òg deira familiar.

Risikofaktorar for utanforskap kan vere:

- Å vakse opp i familiar med lav inntekt
- Manglande sosialt nettverk
- Manglande tilknytning til skule/arbeid
- Manglande deltaking i fritidsaktivitetar

Vurdering

Rådmannen vurderer at det er hensiktsmessig å ha lokale retningslinjer for tilskotsmidlane, då dei nasjonale vert for generelle. Dei lokale retningslinjene vil vere med å klargjere kva ein ynskjer å oppnå med tiltaka. Å legge til rette for at lag, organisasjonar og bedrifter skal kunne søke på tilskotsmidlane, er ein del av arbeidet med å oppfylle Oppvekstreformen.

Folkehelse: Retningslinjene er med på å auke fritidstilbodet for barn og unge på Osterøy

Miljø: Ikkje vurdert

Økonomi: Tilskotsmidlane er med på å sørge for at fleire kan delta i fritidsaktivitetar.

Konklusjon

Retningslinjene vert vedteke slik dei ligg føre.